

آبونه شرائطی : هریر ایچون
 سنه لکی (۴۰۰) آلتی ایللی
 (۲۲۵) ، ممالک اجنیه ایچون
 سنه لکی (۴۰۰) ، آلتی آیللی
 (۲۵۰) غروشدور .

نسخه سی ۷۰۰ غروشدور .
 سنه لکی ۵۲ عددور .

اداره خانه : باب عالی جاده سنده
 رشید افندی خاندن

اخطارات

آبونه بدلی پشیندر .

مسلكه موافق آثار مع المنونیه
 قبول اولنور . درج ایدله یین
 یازیلر احاده اولماز .

والله یهدی من یشاء الی صراط مستقیم

باش محرر
 محمد جاکف

صاحب و مدیر
 اشرف ادیب


آدونه سن تبدیلتده ایریجه
 غروش کوندرملیدر .

مکتوبلرک امضالری واضح
 و اوقوناقلی اولسی و آبونه
 صره نومروسنی محتوی
 بولونمسی لازمدور

ممالک اجنیه ایچون آبونه
 اولانلرک آدرس لرینک
 فرانسزجه یازلمسی رجا اولنور .

پاره کوندرلدیکی زمان نهیه
 دائر اولدینی بیلدیرلسی
 رجا اولنور

اتبعون اهدکم سیل الرشاد



و مرتضیٰ قازانق و ایمانی مرتبہ کمالہ چیقارمق ایچون تخلقی هر کسک اوزریت
واجب اخلاق الہیہ دن اولورسه عظمت قدریتہ بوندن بلیغ شاهد آزانیری؟
یوقاریدہ اخلاق اسلامیہ نیک الہ باشلیجہ لرینی سویلا مشدک . بونلر
نظر شریعتہ اولیلہ بر طاقم اساسات کہ مؤمنک ایمانی کامل اولہ بیلیمک
ایچون ہیسنک تحقیق ضروری ؛ بونلرہ استناد ایتدیکہ بنای اسلامک
یوکسلمسنہ امکان یوق . شیمدی ، بونلرہ التحاق ایدن برقم اخلاق
و آداب داها وارکہ انسانی قیود ماسوادن قورناروب حریم رحمانہ
یاقلاشدیران ، هوساتک محکومی اولمقدن اوزاق بولونڈیران بو قسم
اخلاق هر کسک مرتبہ سی ، علمی ، عرفانی ، صفائی قلبی ، ذوق
روحانیسی نسبتندہ متفاوت .

مال کریمی

هیچ شهر سز سلا بر طاقم آجیب ، آتشار آتشر (عمد مند) ازال ایتدک کہ
بو آتشری اولسه اولسه فاسقلم انظار ایدر . بونلرہ زمانہ برعهر اید
باغلا سدر ایلمزنده بر طاقمدری او عهردی هپ بوزاجه قیبر ؛ خیر ،
بونلرک جوغی ایمانہ ایدندردہ دکلمردر . الله طرفندہ اهل کتابہ
اللدنہ کی کتاب و شریعتی نصیری ایدر بر رسول کلیمہ اهل کتابک
بر طاقمی کتاب الہی صانک دارمی بوقمی بیلیمسہ کی آردلرینہ آتوب
کوردمز لکندہ کلیدلر . اهل کتابک اولطاقمدری سلیمانک عهرہ ملکندہ
شیاطینک تلوت ایتدکلری شیلرہ تابع اولدیلر . مال بوک سلیمانہ کفر
ایتمدی . خلفہ سمر تعلیم ایدرک کفر ایدرہ شیاطین ایدی . بابلدہ کی
ملکدرہ ، هاروت ایدر ماروتہ هیچ بر سمر تعلیم ایدر دی . او ایکی ملک ،
هیچ کیمسیدہ ، دین خلفہ فتنہ ، اغماز . (سمر اوکرہ نوبدہ) کفرہ
دوشمکندہ دان کیمج ، دیمرکچہ ، تعلیمدہ بولونڈقردی بوق ایدی .
بوید ایکن خلص ارکی قاربسندہ آبراجہ شیلری اوندردہ (او ایکی
ملکندہ) اوکرہ نیرلردی . مال بوک سمر اوکرہ ندر سمر لیدر اللہک
ازنی اولادقہ هیچ بر کیمسیدہ ضرر ایدیشیدہ مزلر . اونلر کندیلرینہ
ضرری طوقونوبدہ هیچ بر فائده سی اولیانہ شیلری اوکرہ نیرلر .
اهل کتاب اوندردہ بری محقر اولاردی بیلورلر کہ کتاب الہی شیاطینک
دیکلرینہ دیکشندرک آفرندہ نماندہ نصیبی بوقدر . کندیلرینی نہ کونو
برشیئہ صابورلر ، آم بیلرلر... اگر اهل کتاب ایمانہ ایدوب اللہدہ
صاقیلرلردی کندیلرینہ الله طرفندہ و بریدہ جک ثواب دها بوبوک
اولوردی ، آم بیلرلر...!

[۱] «الله وعد ایتدیکی زمان و مکاندہ اصلا خلف ایتز .»

[۲] «کیم عهدندہ اللہدن زیادہ صادق اولاپیلر ؟»

صوکرہ بو خلق کریم اللہک اجل صفاتیدر . قرآنده «ان الله
لا یخلف المیعاد - سورة آل عمران ، ۱»

«ومن اوفی بعهده من الله - سورة توبه ، ۲» بویوریلور .
علیه الصلاة والسلام اقدیمزدن شویله روایت ایدیلور : «درت
خصلت وارکہ هر کیمده برلشیرسه خالص منافقدر : سویلینجه یالان
سویلهین ؛ وعد ایدنجه خلف ایدن ، عهد ایدنجه نقض ایدن ، مرافعه
انسانندہ حقدن آریلان .»

سنت کتابلرندہ بوموضوعه دائر یکجوق احادیث واردر .
خلاصہ : اسلام سچیة وفاده کوستردجکلری تفریطک عاقبتندن
مسلمانلری صوکرہ درجده تحذیر ایدیور . و دیکلرہ یلاری شدتله
مؤاخذده بولونیور . نه حاجت انظر اسلامده عهدہ وفا حقک رضا

اسرار قرآن

بسم الله الرحمن الرحيم

وَلَقَدْ أَنْزَلْنَا إِلَيْكَ آيَاتٍ بَيِّنَاتٍ وَمَا يَكْفُرُ بِهَا إِلَّا
الْفَاسِقُونَ . أَوْ كَلَّمَآ هَآهْدُوا عَهْدًا نَبَذَهُ فَرِيقٌ مِّنْهُمْ بَلْ
أَكْثَرُهُمْ لَا يُؤْمِنُونَ . وَلَمَّا جَاءَهُمْ رَسُولٌ مِّنْ عِنْدِ اللَّهِ مُصَدِّقٌ
لِّمَا مَعَهُمْ نَبَذَ فَرِيقٌ مِّنَ الَّذِينَ أُوتُوا السِّكِّتَآ كِتَابَ اللَّهِ وَرَأَآ
ظُهُورِهِمْ كَأَنَّهِمْ لَا يَعْلَمُونَ . وَاتَّبَعُوا مَا تَتْلُوا الشَّيَاطِينُ عَلَى
مُلْكٍ سُلَيْمَآنَ وَمَا كَفَرَ سُلَيْمَآنُ وَلَكِنَّ الشَّيَاطِينَ كَفَرُوا
يَعْلَمُونَ النَّاسَ السِّخْرَ وَمَا أُنْزِلَ عَلَى الْمَلَكِينِ بِبَابِلَ هَارُوتَ
وَمَارُوتَ وَمَا يَعْلَمَانِ مِنْ أَحَدٍ حَتَّى يَقُولَا إِنَّمَا نَحْنُ قِثَّةٌ
فَلَا تَسْكُرْ فَيَتَعَلَّمُونَ مِنْهُمَا مَا يُفَرِّقُونَ بِهِ بَيْنَ الْمَرْءِ
وَزَوْجِهِ وَمَا هُمْ بِضَارِّينَ بِهِ مِنْ أَحَدٍ إِلَّا بِإِذْنِ اللَّهِ وَيَتَعَلَّمُونَ
مَا يَضُرُّهُمْ وَلَا يَنْفَعُهُمْ وَلَقَدْ عَلِمُوا لَمَنِ اشْتَرَاهُ مَا لَهُ
فِي الْآخِرَةِ مِنْ خَلَاقٍ وَلَبِئْسَ مَا شَرَوْا بِهِ أَنفُسَهُمْ لَوْ
كَانُوا يَعْلَمُونَ . وَلَوْ أَنَّهُمْ آمَنُوا وَاتَّقَوْا لَمَثُوبَةٌ مِّنْ عِنْدِ اللَّهِ
خَيْرٌ لَّوْكَانُوا يَعْلَمُونَ .

بو آیات کریمه اهل کتاب جناب حق طرفدن کوندریان حقائق واحکامه واقف اولمقه برابر کویا بونلردن هیچ خبردار دکلس کی طاورانه رق هپسندن یوز چویردکاری بیان ایتکده در . موسویلر یالدر حضرت عیسی و حضرت محمد کوندریان وحی انکار ایله اکتفا ایتیرک تورانک آیانه موافق اولان ، آنلری تأیید ایدن آیات قرآنی ده انکار ایدیورلردی .

بونلر اسکیدن بیلیمده کاری انکار ایله اکتفا ایتیرک عقللری ضایع ایتیش کی بیلدکاری ده اهل ایتکده ایدیلر . اهل کتاب ، کتاب الهی بر یانه آنه رق حضرت سلیمانک انجق سحر ایله ، بویو ایله احراز ملک ایتدیکنه دائر بر طاقم اشراک ایدوردقلری یالانله اینانغه باشلادیلر .

(محمد بن اسحق بن یسار) دیورکه : شیطانلر ، یعنی انسان صفتنده کی شیطانلر سلیمان ابن داودک ارتحال دار بقا ایتدیکنی خبر . آنجه سحره دائر نه بیلورلرسه هپسنی بر کتاب ایچنده طوبلا مشلر ، صوکره حضرت سلیمانک مهرینه بکزمین بر مهرله تمهر ایتمشلر واوستنه شو عبارتی یازمشلر : « علم دینه لرندن حضرت سلیمان بن داودک دوستی (آصف بن برخیا) نک یازدقلری . » صوکره بو کتابی حضرت سلیمانک تختک آلتنه کومشلردر . بنی اسرائیلک بقایاسی بالا خره بو کتابی چیقارمشلر و حضرت سلیمانک آنجق بو کتاب سایه سنده احراز حاکمیت ایتدیکنه ذاهب اولارق محتوی اولدینی معلومانی اوکره مشلر و اوکره تمشلردر . بوندن طولاییدرکه سحر بازلق بالخاصه موسویلر آره سنده شایعدر .

رسالتناه افندمن حضرت سلیمان بن داودی جناب حق طرفدن کوندریلن پیغمبرلر آره سنده یادایدنجه مدینه ده بولونان یهودیلر دیدیلرکه : « محمد ، سلیمان بن داودک پیغمبر اولدینی ادعا ایدیور . حال بوکه سلیمان آنجق بر ساحردی . بوندن طولاییدرکه قرآن کریم بونلرک ملک سلیمانه دائر شیطانلرک یالانلرینه اتباع ایتدکیرینه ، سلیمانک دکل ، شیطانلرک کفر ایتدیکنی ، هرکسه سحری اوکره تدکاری بیان ایتکده در . »

مفسرلر بو صددده بر چوق احادیث ، روایات و اسانید ذکر ایدرلر . بو آدملر بونلری ذکر ایتکله قرآن ایله اسلامک باشنه کتیردکاری فلا کتلی تقدیر ایده بیلسلر بونلری یازمه دن قلملری یارچه لارلردی . مفسرلرک بو احادیث ایله سندلری طولایسیله یازدقلری اثرلر بکرمیدن فضلادر . مع مافیه قاضی (عیاض) بونلری انکار ایدیور ، هاروت و ماروت قصه سته دائر روایت اولونان و مفسرلر طرفدن نقل ایدیلن خبرلردن هیچ برینک پیغمبرمزدن روایت ایدیلمدیکنی بیان ایله یور . (بحر) ده بونلردن هیچ برینک هیچ اولمادینی بیان

اولونمقده در . رسول اللهک ، یاخود (ابن عمر)ک (زهره) بیلدیزی تلین ایتدیکی . روایت اولونمقه برابر طوغرو دکادر . (رازی) بو روایتی قید ایتدکن صوکره بو روایتک ، فاسد ، مردود و غیرمقبول اولدینی سوبله مکده در .

(شهاب عراقی) هاروت و ماروتک (زهره) ایله ارتکاب ایتدکاری کناهدن طولای تمذیب ایدیلن ملکلر اولدقلرینه اینانانلرک کافر اولدقلری ، چونکه ملائکه نک معصوم اولدینی واللهم امرندن چیقما دقلری بیان ایدیور . (زهره) ایسه خلقتدن بری بولونمقده در . بونک (هاروت) ایله (ماروت) . تمثیل ایتیش اولماسی غیرمعقولدر . (آلوسی) بو صددده روایت اولونان سوزلرک یهودیلردن منقول ، بناء علیه باطل اولدینی بیان ایتدکن صوکره بوقصه نک طوغرو لفته اینانانلرک صابندقلری ویا کدقلری ، رایت اسلامی بی سرنکون ایدمچک و کفارک باشنی قالدیره جق برقا بو آچدقلری بیان ایدیور .

بو ایضا حاندن (هاروت)ک ملک اولمایه رق ملک اولدقلری آکلاشیلیور . ابن عباس ، حسن ، ابی الاسود ، ضحاک کی ذواتک قرائتی بوجهی تأیید ایتکده در . بعضی علماده هاروت ایله ماروتک ایکی آدم اولدینی ، صلاح و تقوالرندن طولای بونلر ملک ده نیلیدیکنی سوبله یورلر . (حسن) بونلرک بابلده بولونان کفاردن اولدقلری بیان ایدیور .

خلاصه هاروت ایله ماروت (بابل) ویا باشقه بریده صلاح و تقوی ایله شهرت احراز ایدن آدملر اولوب بونلر هرکسک نظر دقنی جلب ایتدکن و هرکسه کندیلری سودیردکن صوکره سحر اوکره تمکه باشلامشلردر . بونلر بین الناس حائر اولدقلری موقی ادامه ایچون سحر دن برشی اوکره تدکجه هرکسه بوسحرک کندیلرینه وحی و الهام ایدلیدیکنی ظن ایتدیره جک سوزلر سوبله یورلردی .

(هاروت) و (ماروت) کیلرینک امثالی هر زمان هر یرده چوقدر .

ارباب تقوی و استقامته ملک ده نیلمه سی ایسه اسکیدن بری اهل کتابک فادتلرنددر . خریستیانلر بریسنی لزومندن فضله مدح و ثنا ایتک ایتدکاری زمان اونک ملک اولدینی سویلرلر . او حالده موسویلرک (بابل) ده هرکسه سحر اوکره تن آدملره اتباع ایدرک او آدملردن اوکره ندکاری شیلره زوج و زوجلری یکدیگرندن تفریق ایتدکاری آکلاشیلیور . بونک امثالی یونان قدیم تاریخنه دائر تألیف اولونان اثرلرده کوریور . اسکی یونانلیر بیلدیزلری خیر و شر آلهلری سمیه ایدرلر و بونلرک مکالماسندن ، ازدواجلرندن ، وسائر شیلرندن بحث ایدرلر .

قرآن کریم انسانلره سحر تعلیم ایدن شیطان سیرتنده کی انسانلری

تکفیر ایتشدر . چونکہ سحر برطاقم خصوصی ریاضتلی استلزام
ایتدیکی کی جنلرہ ، افلاک و کواکب ، شریر و خبیث ، یا خود
خیلی بعض ارواح مناجاتی اقضا ایدر . شبہ سز بونلرک
ہیسی جناب حقن غریبہ عبادت و جناب حقہ شریک قوشمقدر .
بو یوزدن سحرلر کافر اولمشلدر . بالآخرہ مسئلہ دائر تفصیلات
ویرہ رک سحرک نہ اولدیغنی ، آثار موسویہ دہ ہاروت و ماروتہ دائر
نہلر سویلہ نیلیدیکی موضوع بحث ایدہ چکیز . بالکمز شونی سویلہ مکملہ
ا کتفا ایدہ لم کہ بنی اسرائیلک جناب حقہ شریک قوشمق کی کتاب
اللہدن یوز چورمک و کتاب اللہ بدل سحرلرلہ کاهنلرک سوزلرینہ
اینا مالری کی مادتری خیلی زماندن بری مسلمانلر دہ سرایت ایتشدر .
بو کی احوال بنی اسرائیلک ہلاکنہ و استیلاہ اوغرامہ لرینہ سبب
اولدیغنی کی مسلمانلرک دہ پریشانلقنہ واضمحلالنہ سبب اولاجقدر .
مکرکہ مسلمانلر ایچندہ بر جماعت ظهور ایدوب دین الہی بی وسنت
سنہ بی اکاذیب و باطیل آغندن قورتارمقہ حضر غیرت ایدہ .

بنی اسرائیل حضرت سلیمانک سحرلہ ، کھانتلہ ، تولسولر
استعماللہ احراز حاکیت ایتدیکنہ ذاہب اولماسہ بدیلر مستقل بردولت
تأسیسی ایچون اختیار ایدیلہ سی لازم کلن طیبی یوللری تعقیب ایدر
وموفق اولورلردی . حال بوکہ بونلر بر سور و ترہات و باطیلہ
کوہ ندیلر . مغرب اقصى مسلمانلری دہ بویلہ بر بویلہ سلوک ایتشلر
و مملکتلرنہ بولونان اولبانک دشمن استیلاسنہ مانع اولاجقنہ ذاہب
اولشلر ، حق الجزیرہ قونفرانسہ اشتراک ایدن مرخصلر آرہ سندنہ
تحدت ایدن اختلافلری بواولیانک ہمتہ عطف ایتشلردی . حال بوکہ
الجزیرہ قونفرانسہ اجتماع ایدرک مذاکراتی بیتیمش ، اختلاف ایدنلر
اوزلاشمش ونہایت فرانسی او قوجہ مملکتہ قونمشدی . قونفرانسک
ختامنی متعاقب فرانسی اردولر سوق ایدرک اورادہ نفوذنی تقویہ
چالیشمش ایدی . مغرب اقصى اہالیسی بوتون بو حادثاتہ رغماً اولیالرینک
ہمتہ کوہ نیور ومطلقا قرانسی بی ازالہ ایدہ جکلیرنہ ذاہب اولورلر .
بو کون بیلہ بوزوالیلر اولیا ہمتک فرانسیز عسکرلرینی مغربدن چیقاروب
آتہ جقنہ قائلدرلر .

مسلمانلرک الگرب حاللرندن بری حالا سحرلہ ، حالا توتسولرلہ
مشغول اولمالری ، اوراد و اذکار او قومقلہ احراز ثروت ایدہ جکلرینی ،
حزب البر و حزب البحر ایلہ جلجوتیہ بی او قومقلہ ہوادہ اوچہ جقلرینی
ظن ایتہ لریدر .
دہا غریبی مسلمانلر کتاب اللہی آ کلامقہ ، سنت سنہ صحیحہ
اقتدایہ دعوت اولوندقلری زمان صانکہ بر بدعتہ ویا بر ضلالہ
چاہر یلورلر مش کی اور کیورلر .

قرآن ہر یردہ او قونیور . فقط عجبا دیکلہ یئرلر آرہ سندنہ قرآنک
معنلرینی آ کلامقہ ، ہدایت قرآنہ دن نصیبہ دار اولق ایستہن بر کیمسہ

واری؟ شیمدیکی مسلمانلر آیات قرآنہ بی دیکلہ یورکن یوز چور یورلر .
حال بوکہ بو آیاتک معناسی آ کلاسہلر ایچندہ قیوراندقلری فلاکتلردن
ناصل قورتولاجقلرینی آ کلازلردی . مسلمانلرک ایچندہ بردہ اولیلہ لری
وارکہ آیات قرآنہ بی تلاوت ایدرلر ؛ فقط آیات کریمہ نک مہابتندن
متاثر اولارق معنلرینی تأمل ایدہ میورلر . بالخاصہ علمانک ، باب اجتہاد
مسدوددر ، دیہ لری خلقی قرآنی تأملدن اوزاقلاشدیوریور . بوصف
مسلمانلر برطاقم خرافات ومفتریات ایلہ طولو اولان کتابلرہ مراجعت
ایدہ رک قافالرینی اونلرلہ طولدیوریور و اونلری ہر خصوصہ رہبر عد
ایدیورلر . بونلر کنسدیلرینی کتاب اللہی او قومقہ و آ کلامقہ دعوت
ایدنلری کفر ایلہ اتہام ایدرلر . مسلمانلرک کتاب اللہی اہمال ایتہ لری
یوزندن آیات قرآنہ حل اولونماز معمالر ، آ کلاشیلماز سرلر حالہ کیردی .
دین اسلام مشرکک ، ضلالتدیلہ لر آرہ سندنہ غریب اولارق ظهور
ایتدی . بو کون دہ مسلمانلق ، کندی اوز دیارندہ غریبدر . او قدرکہ
مسلمانلرہ برایت او قوسہ کز کیمی شک و شبہیہ دوشر ، کیمی آیات
کریمہ بی آ کلامقنہ استسکاف ایدر ، کیمی دماغنی طولدیران اوہام
و خرافاتہ کوہ بر معنا ویرد . بو صورتلہ عقائد صحیحہ بی وطوغرو
سوزلری قبولہ محل قالمشدر .

الکلیع جہت ، اسلامہ اسناد اولونان افتزالرک ہر کسک از برندہ
اولماسی ، بونلرک ہر محلہ ، ہر کویدہ ، ہر شہردہ آغززدن آغز طولاشماسیدر .
وأسفاکہ مسلمانلقی بوفلاکتلرہ دوچار ایدن ، مسلمانلری بوسفالتہ
آنان ، بواسرائیلیات و خرافاتدر . بونلر طبع ونشر ایدیلہ رک ہر یردہ
اوقوندقہ مسلمانلرک کسب صلاح ایتسنہ ، زوال واضمحلالدن
قورتولمالرینہ امکان یوقدر . ولا حول ولا قوۃ الا باللہ العلی العظیم .
عبدالعزیز ہاریس

حقوق عائلہ قانونی لایحہ سی

ہکومتک شکلیفی ایلہ عدلیہ و ملکی شرعیہ انجمنلرینک تعریضی

[انجمنلرک تمدنی اولیان مادہلر عیناً قبول ایدیشدر . عدلیہ انجمنک
تدیلاقی (ع) اشارتیلہ ، ملکی شرعیہ انجمنک تدیلاقی (ش) حرفیلہ
کوستیلشدر .]

مناکحات - مفارقات

کناپ اول : مناکحات مقننہ در

باب اول

فصل اول : نشاندرمی مقننہ در

مادہ ۱ — نشانلاقمقلہ ویا وعد ایلہ نکاح منعقد اولماز .

مادہ ۲ — سوز کسبلہ کدنصکرہ طرفیندن بری نکاحدن امتناع